

四庫全書

史部

欽定四庫全書

浙江通志卷五十三

水利二

杭州府

下

仁和縣

城外河道

上塘外沙河 自草橋門北繞城東過永昌壩至蔡

湖橋北達菜市門外河沿城轉西過東復過西轉

北至德勝橋與上塘運河水合唐書地理志咸通

二年刺史崔彥曾開咸淳臨安志潮水衝擊錢塘江岸奔逸入城勢莫能禦開三沙河以決之曰外沙中沙裏沙宋政和元年郡守張閣表識其處近

南有壩

成化杭州府志  
今遺跡俱無存

謹按沙河成化杭州府志載入錢塘今查  
三沙河首尾俱在仁和縣故改入仁和

前沙河 在菜市門外東南接外沙河北達後沙河

咸淳臨安志蘇軾嘗於此督役開湯村運鹽河

後沙河 在艮山門外壩子橋北

蔡官人塘河 在艮山門外九里松塘東由姚陡門  
通何衛店湯鎮赭山

赤岸河 在赤岸之南自運河入港通高塘橫塘諸  
河去城東北三十五里

施何村河 在桐扣山水澗堰東去城東北四十五  
里

方興河 在臨平鎮東去城東北六十里東通海寧  
縣長安壩

謹按赤岸河施何村河方興河皆南宋時運河也其名雖殊實一道耳凡舟由蘇州嘉興而來者過長安壩從方興河入艮山水門抵斷河而止

上塘河 在艮山門外成化杭州府志自德勝橋東至長安壩又東抵海寧城百有餘里一帶土田水利俱賴此河歲久河不開濬沙壅漸高而隔塘諸筧低入河底每為走洩天稍無雨水即涸竭苗槁無濟舟阻不行明天順間知府胡濬以郎暹言同知縣周博起夫開濬旱乾獲利舟行通便

國朝雍正五年巡撫

臣

李衛委杭防同知馬日炳動支

海寧縣邑紳陳邦彥捐輸銀開濬自艮山門外施家橋起施家堰止計七千七百九十九丈

下塘河

在武林水門外經清湖閘入運河

國朝雍正五年巡撫臣李衛委分司徐有緯動支帑銀開濬自驛橋起至清湖閘計三百二丈

新開運河

在武林門外北新橋之北通蘇湖常秀

等河宋史河渠志浙西運河自臨安府北郭務至

鎮江江口牖六百四十一里淳熙十一年臣僚言  
運河之濬自北關至秀州杉青各有牖堰自可豬  
水惟沿河上塘有小堰數處積久低陷無以防遏  
水勢當時加修治兼沿河下岸涇港極多其水入  
長水塘海鹽塘華亭塘由六里堰下私港散漫悉  
入江湖以私港深運河淺也若修固運河下岸一  
帶涇港自無走洩上以為然十四年七月不雨臣  
僚言奉口至北新橋三十六里宜開濬從之咸淳

臨安志淳祐七年夏大旱運河乾涸安撫趙與憲

奏請開掘修築塘路一自北新橋至狗葬開闊三

丈深四尺一自狗葬至奉口開濶一丈

趙與憲請開河奏勘

得臨安府客旅船隻經由下塘係有二路一自東遷至北新橋今已斷流米船不通一自德清沿溪入奉口至北新橋間有積水去處亦皆斷續每米一石步擔費幾十餘千米價之增實由於此若不急行開浚事關利害今委官相視見得自奉口至梁渚僅有一線之脈止可載十餘石米舟自梁渚至北新橋則皆乾涸不可行舟共三十六里計五千五百三十九丈五尺除已雇募鄉夫差委官屬分段開掘外又契勘塘岸一帶多係久失修築日漸隳坍緯路狹窄艱於行舟今就此河掘令深闊



幫築塘路庶幾水陸皆  
有利濟實一舉而兩得

成化杭州府志元至正末

張氏軍船往來蘇杭以舊河為狹復自五林港口  
開浚至北新橋又直至江漲橋廣二十餘丈遂成  
大河因名新開運河

國朝康熙四十七年巡撫王然奉

旨重濬自一都十五箇登雲橋起至泥壩內戚家橋止  
計三百九十丈二都十一箇柴公橋起至南石橋  
內張家浜止計一百二十丈二都十五箇駝子橋

起至北石橋止計三百四十丈三都七畝石灰橋  
起至禮佛橋內謝家浜止計一百七十丈四都七  
畝義橋起至治平寺內河港口止計一百八十丈  
又五杭橋東太平橋港凡一百一十五丈俱挑濬  
深濶

宦塘河 去城西北三十五里南接北新江漲橋河  
北達奉口河咸淳臨安志淳祐七年旱安撫趙與  
憲開濬

奉口河 去城西北四十五里抵德清縣界

國朝雍正七年總督臣李衛動給帑銀一千三百有奇

委員開濬

臨平湖 在縣東長樂鄉往時周四十里溉田三百

餘頃唐後湖日淤近多廢為桑田魚池僅存小河

謹按陳善府志曰仁和水其河渠之大者有三  
曰上塘曰下塘曰官塘上塘自艮山門迄長安壩  
下塘自北關迄大麻村官塘自高橋迄奉口洪流  
鉅浸分為支河者無算旁近之田仰以給溉潤焉  
下塘上塘高下相去七八尺以一塘為隔上恒苦  
旱下恒苦澇故置笩閘以為蓄洩而一郡之田皆

成沃  
土云

五里塘

在艮山門外五里舊尉司衙側

走馬塘

在艮山菜市門外

謝家

塘

在菜市門外一里

菜市塘

在菜市門外三里

土塘

一在菜市門外

十二里宋殿司右軍教場之側一在團圍頭石塘北

月塘

在艮山門外

沈家

塘

在縣北二十五里

官河塘

在北新橋之北接連運河大塘長三十六里其西又

有一塘曰西塘袤十八里直抵安溪宋淳祐七年安撫趙與憲修築西塘顏祀亦加築治

大

雲寺灣塘

在五都二畝

國朝雍正七年總督臣李衛勳

給帑銀四百兩委員重修

運河下塘

自北新橋北直抵石

門縣界橫亘九十餘里其地有三里漾十二里漾  
蘆葦水漲無塘遮護遂為盜藪正統七年通判易  
輒條上利害巡撫侍郎周忱相度便宜修築塘岸  
一萬三千二百七十二丈四尺橋七十二座水陸

並行便於漕餉

國朝康熙九年總督劉兆麒巡撫范承謨以是塘河路  
利濟攸關遂酌議興工計水閘共一千三百六十  
三丈每丈工料八兩坍塌石塘共四千二百九十  
五丈每丈工料四兩七錢無石塘路共一千二百  
二十五丈每丈工料五兩約需銀四萬兩是時督  
撫布按捐俸紳士義民樂輸委耆民施國賢董其  
事歷一載築成石塘四千三百八十三丈橋六百  
二十三洞雖以工費不繼未及竣工然往來利涉  
漕艘通行商民稱便焉雍正七年總督臣李衛動  
給帑銀八百六十兩有奇委知縣王廷  
藩縣丞于平修築北新閘外一帶塘岸

永和塘

在永和鄉當仁和海寧二縣之間俗謂之三里險  
即白龍潭也宋紹定己丑邑士范武捐財以助修  
築塘成歲無水患邑宰范光名曰永和隄許應龍  
永和隄記運河有塘衣帶浙水綿亘千餘里關提  
封者六州帶主管者十縣仁和首當其一郵遞輦  
運憧憧旁午惟永和隄阻鼎湖白龍潭之險卯風  
端流賁夕鼓蕩一有綫溜則膏腴數百頃瞬息就  
浸緊欲經久不擾是豈一日一人之力哉邑有范  
任二君倡為義役乃悉心討究謂土力屢潰於成  
也於是率衆僦工築以石橋以松迄成二百五十  
丈為錢數千緡范君為費獨當什五董視槁貴尤  
詳焉傍築道茂菴給伏臘俾早晏巡徼事無遺慮  
整如也肇始於紹定己丑之春告成  
於是歲良月之望隄成請記顛末

# 裏沙河堰

在武林門外

# 上堰

在小北門外

# 下堰

在餘杭橋側

雋家堰

在沈塘灣去城東北一十八里

金家堰

在臯亭鋪去城東北二十五里

湯家堰

在臨平鎮西北十里

梅潭堰

在臨平鎮中舊名梅潭壩

費

仁堰

在臨平鎮東二里蓮花鋪左俗稱費兒堰

吳家堰

在臨平鎮東三里永和塘

去城東北四十五里

施家堰

在臨平鎮東四里舊名施家壩

永昌壩

在永昌門外通錢塘江明洪武二年建

會安壩

在艮山門外洪武五年建

豬圈壩

在武林門外陸家場洪武三年建

德勝壩

在城東北五里夾城

巷內洪武

五年建

石灰壩

在德勝橋東

雋家壩

在沈塘灣東去城東

北二十里

周家壩

近華橋

宅前壩

近北莊

胡家壩

在施家壩  
東五里

車前壩 近餘慶橋

毛家壩 八道壩 俱近

超山

諸家壩 在吳下村

葉家壩 在戴家橋北

范家壩

薛家壩 戴家壩 俱在東北區

德勝閘 在德勝壩

雋堰閘 在雋堰壩

臨平閘 在臨平鎮三閘俱在運河

官塘一帶潦漲河溢皆由此洩入下塘明天順閘知府胡濬重修

國朝康熙十年士民郭定生等以諸閘為土豪阻塞具呈督撫令如舊開濬修築上下塘均受其利

小林大閘 在仁和縣十五都十七都東西界間閘莫詳所始以運河塘下高田不與下塘

河接旱無車灌置此蓄洩隔塘白洋石目二覓下流其為塘下高田之利最溥年久坍塌明天順閘



知府胡濬知縣周博重建一鄉蒙利溉田數千

清涼閘

在艮山門外臨江八畝清涼橋

國朝雍正七年總督臣李衛委仁和知縣董怡曾重修

柳林閘

在武林門外

鳳

口陡門閘

在縣西北奉口

勞家陡門閘

在縣西北勞家村

唐

涇陡門閘

在縣西北唐涇

小林閘

一名元鎮閘在小林

臨平湖

四閘

在臨平鎮東南五里

南陡門閘

在武林門北里半

北陡門

閘

在武林門外二里

潘公閘

在臨平鎮東龍興橋西

娑婆閘

在吳

東家堰

雋堰西窰

李王塘窰

金家堰窰

石目鋪窰

白洋窰

馮家窰

俱在運河官塘一帶

曹家渠河底石窰

在臨平鎮西茅橋麓石於運河之下以洩曹家渠之水暗注於下河以上七窰不知建自何代宋元間屢修明天順間知府胡濬相度窰門太低者重砌令高其檢水閘圯者重修令民以時啟閉崇禎十四年大旱諸閘窰俱高不能洩水當事議去運河底石洩水至下河可救田數十頃比洩水後石縫不能合多方彌綸水終漏下里人陶子昂獻策截運河兩邊水岸乾以猪肝雜瓦灰搗爛合石縫不半日而石底如故至今猶堅固也

海寧縣

縣市河 在縣城內北通二十五里塘河自城北拱

辰水門入東南經勝安橋透安戍水門會淡塘河

萬厯杭州府志隆慶六年十月重濬

吳遵重濬市河記海寧縣

市河者郭內之通渠也其源出西湖達二十五里塘河自城北拱辰門入東達春熙西達安戍二水門舟楫往來脈絡條暢豈惟利商賈通貿易而一邑之文運實闢焉宋元迨今日就堙塞嘉靖己酉縣尹廉泉高侯嘗一治之未幾島夸蹂躪中外戒嚴盡塞諸水門以杜奸萌小民並緣侵竊河遂成周行邑中市井蕭疎科第稀曠民病久矣隆慶壬申三月廉訪少浦徐公按部至邑諸生以請公毅然曰地運之繫河渠猶血脉之周營衛一日闕遏斯病矣矧茲渠利厚且廣而今梗之是誠予責也乃下教曰周官川衡掌巡川澤之禁令而平其守凡犯禁者執而誅罰之茲渠之便實由於民苟繩

以周法則民大者流小者刑殆將弗堪其議舍所  
罰而令各分工任事興利除疾固民所樂趨也檄  
文月至踰數百里外無忘昕夕迺命丞崔頴經其  
北朱廷芳理其東典史戴中疏其西覈驗成績長  
吏以時督察之於是縣尹良禎余侯供命惟謹丞  
若尉成事其事均勞祇役善崩者甃以堅石既固  
者仍其宿址濬深一丈四尺廣加深十之二余侯  
復捐俸新三水門凡數閱月而竣事居者寧宇行  
者比舟士忭民懼相  
與伐石徵言為記

# 國朝順治十年知縣秦嘉系重濬

秦嘉系重濬市河記  
市河之源首自西湖

達於二十五里塘河自拱辰水門入遶城東經勝  
安橋過安戍水門西出會淡塘河宋元間縣東有  
賦亭驛舟楫往來元末移驛長安併作水驛自此  
河漸堙塞後因市房稠密始而架閣後漸填砌石

岸借塞官河城水不通嘉靖間令蔡完稍為開濬  
經今百餘年泥沙壅塞地脈阻絕今力行開濬興  
復舊制使城市之水滌洄流遠工始  
於順治十年十月甫越月而告成 雍正七年總

督臣李衛委湖州知府吳簡民開濬自拱辰門起  
至安戍門止可通舟楫

淡塘河 在縣西北二百步其派自錢塘來東抵縣  
城壕西則堙塞北通運塘河

二十五里塘河 自拱辰水門透西南二十五里會  
於運河而達長安壩宋史河渠志淳熙二年兩浙

漕臣趙磻老言長安牘至許村一帶漕河淺涸請  
出錢米發兩岸人戶出力開濬從之

國朝康熙十四年知縣許三禮重濬

許三禮濬河記余  
癸丑冬抄來牧海

昌適值河流淺涸舟楫難施未幾告竭詢及里中  
父老僉曰寧處省會之東地獨高阜河道淺狹旱  
易乾滯易溢民間苦此甚久乙卯冬躬率分委萃  
力鳩工自宣德門外開起東至袁花北至郭溪止  
丙辰秋又開自拱辰門起北至長安西至許村止  
民情鼓舞告厥成功今積雨不災久旱不涸由是  
湖中塘窮六十里河源相薛家壩址開其壅塞轉  
西安戍門外淡塘又轉拱辰門外官河至高家窰  
竟不知滯洄於何所云訪之當年瓦石堰高家窰  
舊有雲洞故跡今則移建鄭家窰下距河底三尺

淺則存溢則出得達下河繞宣德門仍歸袁花以見河源通塞之故俾將來有以考述故誌之康熙十五年八月記陳鼓永開河丈尺碑我寧地高河狹天稍亢陽則隴畝難溉旱魃肆虐河底成塗許邑侯屬黎元而告之曰邑內頻荒苦無蓄水俟農隙而濬深之先開城壕廣二丈四尺深一丈二尺次及硖石塘自附城至郭店約九里廣二丈四尺深一丈二尺自郭店往西至朱家橋又五里廣三丈深一丈二尺自郭店北至斜橋計十里濶三丈深一丈二尺次濬袁花塘至洄水橋迤二十里仍廣二丈四尺或三文深一丈二尺徐及硖川袁花鎮河去汙積復舊道一月之內侯自督理天不雨雪民皆子來不彌月爰告厥成迄丙辰丁巳兩年夏秋之交雨暘不時而田禾豐稔咸侯之德也又開新塘三條自郭店至斜橋自斜橋徂西至萬興橋半屬石門縣自郭店徂東至洄水橋天衢坦易

其利溥哉爰請立碑刊定丈尺  
庶後則而倣之其利萬年矣  
雍正五年巡撫臣

李衛委湖州知府吳簡民杭防同知李飛鯤動給  
邑紳陳邦彥捐輸銀重濬自鎮海門外弔橋起直  
抵長安鎮迤西至施家堰仁和縣界止

六十里塘河 在縣東西湖水從仁和至海寧繞城  
南而東抵黃灣為六十里塘河至此而上河之水  
與下河會積漸淤塞

國朝順治十年知縣秦嘉系開浚鹽艘民舟往來咸利



康熙五十七年巡撫朱軾復加開濬

硤石鎮市河 在縣東北六十里

國朝康熙十四年知縣許三禮開濬自宣德門外起至  
郭溪止雍正七年總督臣李衛委湖州知府吳簡  
民重濬自宣德門外弔橋起由郭店至北施家橋  
止

袁花塘河 在縣東五十里

國朝康熙十四年知縣許三禮開濬自宣德門外起東

至袁花雍正七年總督臣李衛委湖州知府吳簡

民重濬自春熙門外起由教場橋至東新倉港止

淡塘

在縣西北二百步宋嘉定間築今河為沙塞其南之半橋道可識

鹹塘

在縣西南

一里與淡塘相對

二十五里塘

在縣西北長二十五里由縣達長安鎮宋紹熙

九年令陳恕募民築岸廣三丈高三尺甃以石人號甘棠隄

運塘

自莊婆堰北石門縣

界牌起至許村西至仁和縣界三十餘里

新江塘

在縣東北十里

洛塘

在縣

北長四十里

袁花塘

在縣東長六十里

新塘

即備塘在縣東自天妃廟

東抵黃山長五十里

六十里塘

在縣東黃灣長六十里

黃家堰

在縣西五十里

通浦堰

俗呼衝浦堰在縣西北五里

李六堰

在縣東五里

凌家堰

在縣西北四十五里

莫家堰

在縣西北四十七里

水沒堰

在郭店西二十里

瓦石堰

在縣東北里半堰東有劉郎堰今廢

莊婆堰

在縣西北三十里元至大間有蔣化主建石橋於上長四十丈其堰開而不閉

以通太湖之水大利於民至正初庸田司復置堰設車注之具六年以不便民復開後改為橋

長安舊堰

在縣西北二十五里長安鎮宋熙寧元年詔杭長安堰監護使臣以管幹河塘

繫衙常同所屬令佐巡視修固以時啟閉

長安新堰

在長安鎮長安乃舟車往來南

北衝要之地舊有堰車上下船官使不便而商民之舟多留者元至正七年松江上海縣民韓日升

李克復捐財買地置堰而於舊堰之西為壩車船  
州判官呂呼圖克岱爾董役有成堰旁鄰民周姓者  
亦以附近田三畝拓之由是  
堰益增廣至今兩為民便

張飛壩

楊灣壩

上圩壩

張宅壩

葉公壩

俱在

西北區

楊公壩

在東南區

蔓藤壩

在二十二都十三畝

南鍾

壩

在二十二都四畝東屬海寧西接桐鄉後填塞

國朝順治二年巡撫蕭起元復行修築康熙十四年居  
民呈請修壩巡撫陳秉直委杭嘉兩知府確勘修  
築

長安三閘

在長安鎮相傳始於唐宋紹聖間鮑提刑累沙羅木為之重置斗門二後壞於兵火

八年吳運使請易以石球紹熙二年張提舉重修  
自下閘九十餘步至中閘又八十餘步至上閘蓋  
由杭而西水益走下故置閘以限之崇寧二年有  
旨易閘旁民田以濬兩澳環以隄上澳九十八畝  
下澳百三十二畝水多則蓄於兩澳旱則決以注  
閘入元閘廢兩澳為民所侵至正十年庸田使司  
汪僉事命本州達魯噶齊丹珠爾知州張光祖修三  
閘以栢木為之上置鐵環遇旱則閉水則開焉明  
天順間知府  
胡濬重修  
許村閘  
在許村莫詳所始天  
順間知府胡濬重修

寺

涇閘 姚沈閘 范沈閘 石家閘 石家窰閘

洪範閘 王家窰閘

明水利僉事伍因見窰筒壅塞設此石閘共七處自

拱辰門外運河一帶至臨平以蓄上河之水民甚利賴是為伍公七閘今閘址尚存

沈木

閘 黃灣閘

今廢

濮家陡門 朱家陡門 俞家陡門 馮家陡門

黃仲二窰 尹千二窰 沈千六窰 鄔馬涇窰

瑞谷窰 德洋涇窰 朱涇窰 寺涇窰 蔡沈

窰 姚沈窰 丁沈窰 萬沈窰 梁廣窰

又名為國

閘

嚴太師窰 周徐窰 方姚窰 馮馬窰

戈家窰 石家窰 毛家窰 王家窰 尹家窰

鄭家窰 郭馬窰

俱在運河塘自北門至長安鎮袤延二十五里相傳昔有

戚夫人過此見河南一帶窪下屢為水害不能耕種教以木板為筒於運河之底透出下塘水潞則洩旱則閉其名曰窰大為民便有司設窰戶常令按視修治天順間杭州知府胡濬以海寧諸堰開塘窰歲久圯塞躬為督治弛張損益各中其度

湯家窰

在六十里塘

高家

窰 向家窰 蔡家窰 萬家窰 周經窰 沈

家短窰 何八窰 朱八三窰 起玘窰 陸家

窰 吳涇窰 惠因庄窰 郭菴短窰

以上雜窰附錄

富陽縣

慶春河 在東門內富陽縣志縣壕東至觀山西至

苒浦置陡門二宋宣和四年縣令吳仿開

國朝康熙元年知縣朱永盛開濬東門一帶雍正七年

總督

臣

李衛委富陽知縣朱永齡開濬城內并北

門外一帶河道城外西北建壩閘一座以蓄潮水  
富春江 在縣南即浙江之上流

陽陂湖 在縣北十里周十六里六十四步溉田萬

畝唐書地理志貞觀十二年令郝砮開富陽縣志

明洪武二十六年知縣盧仁丈量湖面計六百三



十五畝則民地科稅嗣後以湖屬官蠲免科稅民多請佃沿隄湖為蕩取芙蓉菱芡以種之潄水畜魚後因兵變隄為捕魚者所決湖遂涸

國朝康熙五年知縣徐啟業委縣丞趙崧修築仍得溉田民不苦旱二十二年知縣錢晉錫重修濬

馬耕

陽陂湖隄閘記吾里有陽陂湖者唐貞觀間邑令郝砮所開以蓄水也并造東西兩閘延袤六里許其水溉田萬餘頃登封閭邑令李濬以水不障則難積乃為之築隄貞元間鄭杲以隄不高則易瀉又為之增益焉由是歲雖旱不為患明初邑令盧仁文其中之於者六百餘畝民多請佃今所謂湖

田是也里人以害稼力爭乃蓄水如故嗣後數百  
年來遇旱輒涸歲月既久漸成污萊余目擊而心  
傷之康熙五年偕邵子旭如請於邑令徐侯啟業  
詳憲委邑丞趙崧勘隄之形勢而修焉度田庀役  
遠者計畝輸值近者出工挑濬漏者塞之低者增  
之缺者培之余不敢憚勞躬親勸督不閱月而告  
竣自後隄既堅固湖水滿盈旱不為灾田成膏腴  
時有佔為己業者徐侯報憲給示勒石禁止并放  
水捕魚之害今又二十年向之塞者增者培者傾  
圯如故東西兩閘或坍或漏雖暫修葺終非經久  
之策乙丑春余以其事達於今令錢侯侯單騎詣  
湖上周行相視呼旁湖之父老諭以修之之法閘  
低者加之使高隄狹者築之使廣湖淺者濬之使  
深佃戶出工產戶輸值計畝不足則設法捐助速  
奏厥成且請命近湖之老成者管攝隄閘防盜水  
遏畜踐詳示佔佃而永禁之時康熙乙丑孟夏記

湧泉湖 在縣西二十五里溉田四百餘畝

小謝湖 在縣南二十里大江之陰溉田二千餘畝

烏狗塘 在縣北十五里臨湖村又名無垢明嘉靖六年里民何燭捐田一畝塘二口銀三十兩重

修堰澳灌田二千七百餘畝 清慈塘 在縣北十五里臨湖村 木瓜塘

在臨湖村 朱林塘 在春明里里人孫彥等修 宋家塘 在縣北三十里白昇

村明洪武二十七年監生王敏等築 施家塘 在縣西十五里靈泉山下洪武二十六

年官築 五姑塘 在麗景村洪武二十六年官築 陽陂塘 在臨湖村

吳公隄 即春江隄在縣南臨江自覓浦至觀山三百餘丈唐登封元年令李濬築以捍水患貞元

七年令鄭果又增修之歲久隄圯明正統四年知縣吳堂重築民獲安居感其德遂以名隄陳觀吳公隄記富春居杭上流背山面江下通錢塘潮汐往來上接衢婺歛諸水會流每天風悍濤奔潰激射號為險絕矧自觀山起至覓浦橋止東西三百餘丈適當邑城之南其捍潮禦浪惟築堤為可備前代興廢未暇究論自唐萬歲登封六年縣令李濬所築者去舊城一百步許迄今數百餘歲而雨洗風淘隄因以壞漸逼城居為患不小民日以憂宣德乙卯侯始來治茲邑顧茲頽圯慨然興懷乃請於上官得允會歲歉未遑也正統四年秋穀既登遂專力修築經始於是年十月八日率父老遍歷江許驗里分肥瘠限以丈尺多寡得使人平力均於是夫匠雲集椿石山積復親授方畧定立三級下承以椿上疊以石布置得宜事易工省不再閱月厥工告成上堅下固儼若天造竣事之日

里父老子弟以侯姓易  
隄之名復徵予記云

偃虹隄

在縣北三十里  
岔口前溪流深

闊水潦病涉

國朝康熙二十年里人邵士莊築長亘里許狀如偃虹

故名

凌皓堰

楊橫堰

俱在春  
明里

陶溪堰

杜公堰

一名  
松元

堰

長泉堰

陳塘堰

俱在安  
辰里

東泰堰

即姚  
婆堰

黃山堰

黃鶯堰

潭堰

松山堰

青山堰

俱在

長壽  
里

後步堰

大公堰

梓堰

風溪堰

朱

壩堰

應墓堰

又名應  
家堰

涌泉堰

俗名滴  
泉堰

青山

堰 石嶺堰

俱在白昇里

汪家堰

白洋堰

俱在開化里

涌泉湖堰 烏枝堰 閘堰 大山堰 馬山

下堰

今名唐山堰俱在惠愛里右烏枝四堰曰烏枝曰閘曰大山曰馬山下其水一自湖南山

而南流一自臨湖村而西下遞南者恐其奔迅而無防則障以烏枝堰自東者浸滌幾十里又懼長流而不返也故築大山馬山下二堰以遏其東奔之勢田禾資四堰之水利者不下二千畝惟馬山下堰最下又加以山泉然一隄不足以捍二水明萬厯時知縣喻効龍督令業戶馬貴等修築馬山下堰堅密高厚而田禾無恙矣

麻車堰

在臨湖里以上諸堰皆江陽田所賴

普

濟堰

擬新橋坂田二千七百餘畝在馴雉里開化邵嘉捐貲築邵嘉普濟堰記富春北郭十里

過上新橋至大坂田將萬頃居民耕耨其中無深澗大溪以資灌溉所恃築為堰焉澇則洩旱則蓄歲不為災此普濟堰所宜築也堰據泉塘坂東其水一自開化白昇南流一自臨湖周公塢東下水勢洶洶頗易盈涸溢則下田均沒決則高田盡槁明嘉靖初里民何燿等捐資修砌成小堰享其利者百餘年歷久圯裂余每過此惻焉爰集匠氏即於小堰下流輦山石溝澗壑為費若干繕出自獨任而壅者疏淺者浚傾者層而甃缺者甃而補卓然以立湛然以深名曰普濟蓋所溉廣也厚凡三百尺高二十尺上濶百二十尺下濶百五十尺猶念善始者必期善終更募居民歲時經理置田若干畝充工食備補葺於以綿歲月而防暴漲工既竣父老集而環觀焉咸謂普濟之利靡有窮也

徐埭堰 彈堰

俱在馴雉里

長泉堰

在祥風里以上諸堰皆江

右田  
所賴

武婆堰

又名武溪堰

橫河堰

店弄堰

河

塘堰

畧山潘堰

俱在麗景里

青山堰

塔堰

大

堰

戴家堰

屠家堰

小橫堰

橫堰

張家

堰

石堰

裘堰

舊楊堰

路堰

月程堰

潘塘堰

甲堰

瓦竈堰

人盤堰

孫魚堰

東枝堰

下路堰

石佛堰

上枝堰

前溪堰

俱在大源里

塘子堰

重塘堰

一里兩見

黃毛堰

俱在望仙

里

謝塘堰

閭塘堰

西了堰

浦裏堰

上



壩堰

小謝胡堰

下壩堰

俱在江陰里以上諸堰皆江陰田所賴

白石堰

在慶護里

羅漢堰

在感化里

橫泥堰

在縣東十餘里

舊因水壞明永樂九年知縣王必寧建言修築

笋壩

在慶護里

橫溪壩

在儀鳳里

臧村壩

梅川壩

梅

樣壩

在棲鶴里

桑壩

俗名棗壩

寺壩

俱在祥鳳里

安禾壩

支下壩

俱在善政里

湖山碛

在善政里中約廣二里波光蕩漾出自天

成有灌溉之利無疏鑿之勞此水利之最渥者也去湖三里有長川湖嶺在其左陸石坎在其右南抵黃天宕北至大佛山源流浩浩故厚築安禾支下壩以殺水勢共溉田一千餘畝第安禾之壩無

虞惟支下壩久為積水所壞明萬厯時令喻效龍親詣本所督令得水之民量田出費捐助無礙官帑下砌以石上築以土遂免旱澇之患

徐岱閘

在惠愛里

塔堰閘

詳見塔堰

孫浦閘

在太平望仙二里

胡公閘

在縣南臨江明天順間杭州知府胡濬置

餘杭縣

南渠河 在縣南一里

餘杭塘河 在縣東南三里

詳見錢塘

南上湖 在縣南五里塘高一丈四尺上下各廣二

丈五尺周迴三十二里二十八步與下湖相接

南下湖 在縣西二里塘高一丈四尺廣一丈五尺

下廣二丈五尺周迴三十四里一百八十一步水

經注縣後谿南大塘陳渾立以防水在後漢熹平

二年

咸淳臨安志陳渾開湖  
溉公私田一千餘頃

唐書地理志寶曆中

令歸玘因陳渾故迹置又築甬道通西北大路高

廣徑直百餘里行旅無山水之患咸淳臨安志熙

寧中因水衝激岬漸低紹聖中縣令李元弼率民

築增三尺州又差捍江兵士及濠寨官助之塘漏  
則以藁為箔捍護慶厯以後不復修治遂致堙塞  
又南湖東南嶽廟側有石櫺橋五畝塍二處皆陳  
渾遺蹟昔湖水深低則引兩湖之水由此入安樂  
鄉其塍上下各濶丈餘後湖堙塞民侵湖成田梅  
月連雨必苦大浸欲其快於流洩於是塍與橋弗

修宣和中知縣江袞躬訪利害紹復前蹟

陳無玷開湖記

苔水發源天目經兩郡六邑以入於具區六邑者  
二當天目之麓山隘地高水經三邑處其下流水

欽定四庫全書

卷五十三

勢奔放不可為力餘杭界其間襟帶山川地勢平  
微當苔水之衝洪流歲常一再至久雨或數至修  
忽瀾漫高處二丈許然不三日輒平其為患雖亟  
除而難卒以禦也故隄防之設比他邑為重餘杭  
之人視水如寇盜隄防如城郭旁郡視餘杭捍蔽  
如精兵所聚控扼之地也東漢熹平中陳公為是  
邑始築南湖以為水潴並溪者曰南下湖環三十  
四里並山者曰南上湖環三十三里洪流從高赴  
卑其勢悍甚得所謂石門函者則折而滙於湖既  
就寬平其暴必殺溪流紆餘徐引而東湖之水洩  
於南渠河河流而東接東溪五福渠之水以入於  
吳興其派別而北者為黃母港十二里與苔溪會  
於其會處節以石埭曰西函溪流方漲則閉以固  
東鄉之田俟其稍落則啟函以走渠港之潦下田  
函乾水不儲浸若旱暵亦開函以灌甌膏腴千頃  
餘無水旱號為沃壤衣食萬室出賦輸公無慮萬

斛而計其為勞利又倍蓰也其為塘岬規模甚工得周官善防之意厯年寢遠溪湖皆高隄堰傾圯水或逆行漂沒廬舍西岬既自疎鱗守者貪賂竊開以度舟水因大至官趨救目前遽塞之以弭患自岬之塞十歲九潦民日以困土脈沮洳殆成棄地今大夫江公以宣和四年來臨此民屬兵火之餘眎民瘠甚為之惻然思所以振之者徧諏耆老得溪湖利病甚詳民以厭患於闕防來告大夫乃以是年冬度工賦事民歡趨之始闕西岬次五畝塍次綠湖之岬當溪之衝者曰紫陽灘尹家塘次護郊之隄曰中隔塘次綠溪之岬當西岬之左右者西踰明星瀆東接廟灣之塘次上湖可洩者渠河受水處曰石橋橋次綠溪之岬當石門之左者曰閑林塘南岬皆全矣凡北岬之塘與南對修西北之外曰五里塘西山之橫隴當溪之衝者曰龜邊塘及東鄉之外盡十四壩之塘一皆圖治於是

決渠之岸無偏強之患其下流遠近與錢塘接壤之田犬牙綺錯而塘在吾邑者曰廟灣曰許家壩曰菱蕩曰塘口曰登潭曰化灣與其西岸石瀨曹橋之間十餘壩之岸亦皆增葺凡隄防之設西函最為鉅大夫躬勸相撫循之以迄役凡函之制堅厚精密經始十二月甲寅落成於明年三月已已其高七仞其厚一百三十丈兩涯橫敞其中開閉處小陘從陘度敞去相尋有半加膚寸焉故石之工九百九十役庸萬有六千三百用緡錢四十三萬皆函之氓計畝樂輸足用無贏不愆於素自餘隄防由東塘而上分委邑佐董之各因其地之民故役不勞而功並集由廟灣而下則因其塘長而語之靡不聽令併力以趨洎成如期若五畝塍者他時蓋為防今不盡復水無所趨蓄中隔塘闕為城邑病故今五畝塍之制其高下僅可隱人其長止四百九十五尺其北田岸漸高屬於山足者凡

五百尺下於塋尺許皆空不築湖水過五尺則般  
塋北空處以流過六尺則般塋以流水之留塋下  
止五尺溪流平則五尺之水復自石門函還納於  
溪西湖水般塋者勢緩不為東郡及南渠河病無  
玷承公命直書其事俾後  
有考宣和五年四月朔記  
萬厯杭州府志紹熙甲

### 寅畿漕黃黼重修

徐安國重修南湖塘記紹熙五  
年秋八月霖潦不止洪發天目

諸山倏忽水高二丈許衝決塘岸百餘所漂沒室  
屋千五百餘家適侍御黃公黼弭節畿漕悼湖塘  
之廢重為三州六邑之害銳意興復力請於上取  
棄地於馬監發陳粟於豐儲出錢幣於漕庫闔器  
用於殿司揆時庀徒悉募饑民羸者以舂壯者以  
築日役數千人所活甚衆填築敗岸幫廣舊隄列  
木以捍基編竹以簣土增高既隆於舊橫敞復衆  
於前環視上下兩湖數十里間如連岡之隱起堅



壁之橫亘邑既籍定民可耕殖復以溪塘環繞一邑補治如初獨闢林塘附湖當溪水之衝隨築隨畧迺去其激水之平陸以實敗岸之罅隙沿舊隄幫築其址益厚綿五十餘丈工以夫計二十萬四千二百二十有四錢以緡計二萬八千二百九十有二米以石計六千六百一十有六經始以是年十月九日至慶元二年正月二十四日訖事邑令周章董工役簿呂大勲主錢穀丞鄭昌時徐壽卿尉胡輔之佐其事漕屬李耆嘉靖浙江通志元至明葉時兼護之始終盡瘁焉

正十三年餘杭尹常野先增築南湖塘又增築縣西官塘十八里成化杭州府志明永樂二年戶部尚書夏元吉增築濶厚以防水患萬厯杭州府志

正德十三年十二月提督蘇杭水利河道工部郎  
中朱袞築南湖餘杭縣志萬厯三十七年重濬豎  
碑八座以三官廟為東界下鳳山為南界鱖魚港  
為西界石涼亭為北界東嶽廟為東南界三賢祠  
為東北界荒蕩為西南界石門橋為西北界湖中  
築十字長隄隄上蒔桑萬株一便固隄一便召佃  
充五年一小濬十年一大濬之需仍於溪旁築塘  
二以固隄防湖隄內設閘二以節崩漏設壩二以

防衝蓄四隅各設夫二以察損壞規制可垂久遠

戴日強濬湖築塘說南湖為豪民肆佔不能受水橫潰衝決塘隄傾坍萬厯三十六七年間洪水漂流時錢塘聶公擊目慘心慨然擘畫申當道建議濬復南湖鳩工經費議論鑿鑿上疏以没入貂翼銀四萬餘金動四萬衆民力而湖工興築會聶公行取繼雲間楊公董其事日強受命來令此土適丁其時乃率僚佐督部役晝夜經營塞者通之淤者平之缺者補之坍者填之用民之力以濬湖土運湖之土以培湖塘三年告成湖身周圍三十餘里湖塘高四丈濶五丈視昔之塘三倍之湖之設以分溪之流也溪身平陂惟賴南北兩岸塘隄挾持水始安瀾順流而下無旁溢之患蓋湖者溪之吐納湖不濬則溪水以無分而為害塘者溪之關闕塘不築則溪水以四分而為害北塘毀餘邑十

六壩首被之浸潰於仁和德清而吳興受其害南塘毀餘邑靈源章鄭諸鄉首被之浸潰於錢塘崇德而嘉禾受其害明乎三郡之利在濬湖之深築塘之固矣且其沿溪兩岸上自臨安下抵錢塘延袤五十餘里鱗次二十四塘中置濇洞斗門以備蓄洩而瓦窰鳳儀月灣响山土橋諸塘相繼營築今湖工告成諸塘安堵東南半壁實嘉賴之爰為圖說以備考覽金學曾南湖告成記南湖漢陳渾因大禹迹為之縱橫一萬三千七百畝後堙塞唐寶厯間歸珣修之宋崇寧末楊時又修之三賢皆戴祀典天目諸山之水注入南湖其下流杭嘉湖三郡受之潴積以緩其衝潰暵旱時引溉溝塍咸被其澤數百年來稱東南一大利藪嘉靖初侍御傅公始清復亦僅還湖八千一百六十畝歲戊申水利大叅王公偕錢塘令聶君上其事中丞高公直指鄭公咸以興湖為急務相度湖勢除高田七

百四十畝以補軍屯以召民佃其他盡斥為湖暨界石八座築十字隄蒔桑以充濬需築塘設閘以役也綜理則錢塘令聶君心湯楊君萬里餘杭令戴君日強分委則錢塘丞熊日忠富陽丞鄭舜卿餘杭尉陳時嘉均著勞績云

國朝康熙元年知縣宋士吉於滾壩上襄更築輔壩廣

袤高下與滾壩等

宋士吉增南湖五畝騰輔壩記南湖上下各三十餘里能水有

所蓄亦有所演以節宣其流以有五畝騰滾壩故父老謂余言壩甚廣袤而高下畫一有尺寸不可踰者蓋壩砥洎湧於下趨似宜高然稍高則東南有徐流之利西北受泛溢之灾矣引洪流於上洩似宜低然稍低則西北獲安瀾之居東南被衝激之害矣乃茲壩之準也酌其高下量其盈縮使水

來有所潴，潴不至於溢，去有所流，流不至於湧。如璇璣玉衡，累黍不差。每春夏水漲，時驗之良然。士吉受任以來，講求邑中水利，因見滾壩木漸以朽，石漸以圯，土之勢漸以頽，則壩之力漸以薄。徒培修之無益也，欲計萬全，其惟於滾壩上，裹更築輔壩乎？因詳請於撫臺朱公，報可。遂督同水利官沈元斌及縣丞王家善、典史馬應舉，倡南鄉十八都民，飭財鳩工，尚義者以次樂助。是役也，經始於康熙元年十月，告成於次年夏五月。凡木石費千金，人工以萬計，堅木必深，壘石必堅，積土必厚，其廣袤高下一與滾壩等。滾壩既修，輔壩增築二壩，相依百年鞏固矣。蓋南湖為分溪水，而濬滾壩為節湖水，而達輔壩，又以護滾壩而增因。畧紀其始末，以貽後之盡心水利者。

十年九月巡撫范承謨酌濬南湖，委杭州知府嵇宗孟會同仁

錢德清分土分工本縣知縣張思齊晝夜監督開濬閱三月告成

北湖 在縣北五里塘高一丈上廣一丈五尺下廣二丈唐書地理志寶曆中令歸玼開溉田四千餘頃

查湖 在縣北三十五里溉田甚廣塘高一丈二尺上廣一丈七尺下濶二丈二尺

南湖塘

在縣南三里欽德鄉文山界自望湖亭至岳廟前舊名尹家塘

南湖草塘

在縣南三里招  
德鄉舊名天塘

北湖塘 在縣北八里郎王界

查湖塘

閑林塘

在縣西號魚行塘

石門塘

中隔塘 並在招德鄉

樓東塘

號月塘灣

碧塘頭

接錢塘界

和尚壩塘 東塘

接寺中壩塘

聞壩塘

化灣壩塘

下湖塘 西海

塘 義林壩塘

郭家壩塘

里新壩塘

並在安樂鄉

項家塘

在縣南二里淨土寺側

塍湖塘

即純湖塘在同化鄉

謝

家塘

在縣西北五里郎王界同化鄉

錢家埠塘

在縣東八里碧塘頭

鋪

路官塘

在縣東三里招德鄉至錢塘界以上俱古之所有今每年加築廣厚隄防水患



瀆塘

在縣北一十里  
舊名和尚壩塘

下陡門塘

在縣北十二里  
仙澤界並同化

鄉

鎮前等塘

在縣北一  
十七里

喻家塘

在縣北一  
十八里

洪高白社塘

在縣北  
二十里

邊溪塘

在縣北二十二  
里並在孝行鄉

後岸塘 上母塘

並在縣北  
二十八里

茭溪塘

在縣北三  
十五里並

長安鄉

溪西北夾塘

在縣東一十  
里免孟界

免孟塘

在縣  
東一

十五里係西  
孟斗門塘

鳳儀塘

在縣東半里苔溪南岸自  
通濟橋東至錢家埠塘

西門塘

在縣西半里苔溪北岸自總  
舖至龜邊塘舊名五里塘

廟灣瓦

窑塘

在縣西二里苔溪南岸自石門塘至通濟橋  
以上俱明永樂二年戶部尚書夏原吉大理

少卿表復增築以防  
水患每年加修

### 新灣塘 月灣塘 响山塘

#### 土橋塘

並明令戴日強修築陳禹謨重築瓦窰塘記萬厯三十七年戴侯來令邑諮訪

民瘼惟水患為最劇蓋苔之有南湖主蓄洩分殺至於溪水約束全賴塘以隄防隄防不固患仍決裂上年新灣塘決矣未幾月灣塘又決矣瓦窰塘勢據上流天目直瀉之水正當注射塘勢單弱不支衝禦岌岌乎殆哉於是偕邑丞衛君暨耆老數十輩計塘之最險者三百九十丈次險五百一十丈議當下用椿石以固其基上培泥土以厚其勢侯捐俸六十金餘照新月二塘例委任於衛君君固楚人頻於江素習治水法慨然以堅築自任於是擇老成精練之人以分佐之如督工則有金標採椿則有鄔羔蕭橋土工則有曹賢蔡應文喻森斷石則有周安文植潘相等至於錢糧收給則有

部業各殫心力以供趨赴而俟則日往一視精心以總覈而責成之起於萬歷三十九年之七月至

次年十一月落成

塘塢塘

在縣北二十里後杏界

古城塘

在縣北六

十里古城界

雙清塘

在縣北二十里

泮塢塘

在縣北一十五里

費野中嶺塘

在縣北一十五里

龜邊塘

俗呼龜鼈塘在縣西一十二里

盛宅界

全塢塘

丁墓塘

五里塘

上湖壩塘

亭山壩塘

沌湖壩塘

並在同化鄉

鹿景塘

亭

子壩塘

六景塘

仇山大壩塘

並在孝行鄉

插壩

塘

陶村塘壩

姚湖塘壩

係湖壩塘

石瀨

塘 陳家壩塘

祥壩塘

黃湖塘

並在常熟鄉

感塘

莊前壩塘

吳山壩塘

曹村壩塘

夾

堰塘

前村倉畝壩塘

並在長安鄉以上俱明洪武二十八年工部差辦事

官王真等開挑潑水

東郭堰

在縣東三里南渠河上後漢縣令陳渾置堰廢已久今呼東程為堰下

曹村

壩堰

在縣北二十四里長安鄉舊市界即曹村塘

黃公堰

在縣西北三十里孝

行鄉進賢界

千秋堰

在縣南二里唐會昌二年廢吳越王復置宋咸平中又廢景德

四年令章得一復置亦號新堰斗門政和中令孫延壽以陡門漲沙易於衝決築土以塞之邑人云

縣之東南惟安樂一鄉地勢下而田畝廣常患天  
目渚水暴至故昔人開湖以殺水勢築塘隄以防  
泛溢又於溪南岸作大陡門二千秋堰陡門西函  
陡門小函二許家壩化函陡門是也溪水漲則下  
板以防水入溪水退壩中水高則啟板以洩之旱  
則修千秋堰以遏溪流令水自陡門入南渠河以  
灌安樂鄉之田自縣至錢塘界溪流皆深濶不可  
為堰獨千秋堰有灘水淺可施人力陡門當安樂  
上流水勢亦順今既  
廢陡門則此堰亦廢

龍光斗門

在縣北隅宋紹興三年左從事郎餘杭縣丞章籍建

義林圍陡門

在安東鄉免函界

西函陡門

東橋陡門

並在縣東十三里

許家畝陡門

在縣東十五里安樂鄉支港界

亭山畝上陡門

芋山畝下陡門

並在縣北十二里周化鄉仙澤界

俞家斗門

在縣

西北十里長熟鄉山後界

下山陡門

賴村陡門

並在縣西北二十五

里常熟鄉山前界

黃壩陡門

姚壩陡門

並在縣東北三十里常熟

鄉黃坑界以上陡門俱係前代建置修築潞泄水勢以利田畝

黃家陡門

在縣東北

五里東塘界

鄭家陡門

在縣北三里郎王界

寺中壩陡門

在縣

東北五里東塘界

班湖壩陡門

在縣東八里東塘界

祥壩陡門

在縣東北三十里山前界

中壩陡門

陳家壩陡門

並在縣東北二

十里黃坑界

插壩陡門

石瀨壩陡門

並在縣東北三十里山後

界

# 天竺陡門

在縣西北五里盛宅界以上陡門俱於明洪武年間建置以防水患

遇霖雨水漲則下函障隔水勢水退則啟函以泄渠港之潦徐沛復天竺陡門記天竺堰陡門不知創自何代引苕溪水入經子河抵蓮花橋東流與龍光陡門合流溉千畝膏澤萬家為餘邑一大榮衛龍光典守有人疏通若故而天竺為上流之衝易於淤塞自宋淳祐厯元泰定屢修屢湮至明正德間邑侯喻公重濬民甚利之迄今又淤一遇旱潞稼稿卒痒今年夏秋間江公必暉以佐郡署篆屬邑時邑庠生朱朝相沈煥然邑民周澄等相與陳請謀復陡門故道公建白郡侯胡公既聞當道可之召附田居民照產出貲採石鳩工為永久計舊陡門凡二外者甃以石則增葺焉內者原用瓦筒通水故易傾則改築石函制如外其經流之處延袤數里湮者濬高者剝侵佔者清理判部曹君

子華朱沈二生各殫心力恪恭乃事始於七月中旬落成於九月初吉又設編役以時啟閉旱澇有云備

國朝康熙十年知縣張思齊捐貲改築天竺陡門以井字式為八字式以便啟閉復開濬港導引溪流入溉田畝民利賴之

### 臨安縣

錦溪 在縣南一里流至縣東獨山潭與南溪合流  
至餘杭縣名苕溪

謹按臨邑諸溪發源於衆山合流於苕溪故諸溪之名詳見山川茲不具載然地高水瀉易於涸竭



惟設塘堰以備蓄洩時啟閉以資灌溉定例堰開於四月朔閉於九月朔舟筏轉輸必以其時凡以計者至矣

湖塘

在縣西一百五十步谷昌鄉古築塘塍作行路今廢

項家塘

在縣南三里淨土寺

之側

吳諸塘

在縣東四里

小塘

在縣北五里以上宋元時築

夏

家塘

在縣東一十八里

青同灣塘

化桐塢塘

乾陂

塘

並在縣西五里

後墅塘

在縣西八里

孫家塢塘

在縣北八里並

在國昌鄉

東泉塘

在縣北一十八里

水鞠塘

在縣北一十八里

蝦蟆塢塘

在縣北一十八里並在靈鳳鄉以上俱洪武二十七年及三十年間開挑築塘

患塘

在南北鄉萬厝間築塍百餘丈

上橫堰

後郎堰

湖塘堰

一名湖陶堰俱在永安鄉

黃沙堰

西華堰

閩川堰

俱在金岫鄉

洪堰

萬庾堰

一名

胡家堰

五袴堰

竹林堰

俱在永錦鄉

乾堰

長橋

堰

子堰

黑龍堰

長潭堰

下洪堰

俱在國昌鄉自

上橫堰至此皆西鄉之堰

戴武堰

八畝堰

邵溪堰

倒

畝堰

弼堰

俱在金岫鄉

西溪堰

玉溪堰

青龍

堰

青堰

大坂堰

俱在辰隆鄉

馬堰

盛家堰

新堰 弼堰 細田堰 江家堰 杜堰 八畝

堰 俱天目鄉 新溪堰 郎山堰 下郎堰 章家堰

樊家堰 新堰 堂子堰 甘棠堰 子堰 俱福

與鄉 鄭堰 巫山堰 橫山堰 劉堰 上金下

金堰 俞家堰 東山堰 徐家堰 蘭嶺堰

魚躍堰 金鐘堰 俱衣錦鄉 黑龍堰 筍嶺堰 蕭

條堰 八畝堰 上掛下掛堰 琴山堰 積水

堰 小堰 胡家堰 俞村堰 白塘新堰 俱靈鳳鄉

邵家堰

在奉東鄉

金波堰

在新西鄉

蘆堰

杜堰

奴堰

泥瓜堰

寮堰

遼堰

俱高陸鄉

朴樹堰

楊山堰

沃山堰

烏潭堰

龍口石堰

石堰

龍門堰

東莊堰

烏獨堰

猴山堰

俱慶雲鄉

後昌堰

大石堰

上下堰

為頭堰

猷溪堰

俱高陸鄉

麻窄堰

楊木堰

青山堰

郎家堰

俱慶

雲鄉

廟潭堰

九畝堰

竹殺堰

俱山川鄉

五柳堰

在國昌鄉

馬堰

濟川橋堰

在辰陸鄉

鷄八堰

在福興鄉

桃花堰

在大雲鄉

觀家堰

在慶雲鄉

於潛縣

浮溪

在縣西二里源自天目山至縣郭七十里下

入桐廬縣溉田五十三頃二十五畝

紫溪

在縣南三十里溉田四十三頃五十畝唐書

地理志貞元十八年令杜泳開又鑿渠三十里以

通舟楫咸淳臨安志深五尺濶二丈溪下有燕尾

灘最為險患操舟者病焉紹熙間令邵文炳鑿去

鈇利之石其害遂息

邵文炳興復水利記潛縣崇岡複嶺迴繚重迥水之發於

山者六十有三源集而成溪一日天目之源幽深峻極渾為龍淵三池醜流自北東橫亘而少西經白塔為東溪其北曰眉山之源眉山而西曰千秋之源皆自宣城穿嶺而下過朱村併而為西溪三水奔湍滙於甲子岸寧山之麓合流南注而為紫溪此其大源也餘皆止發於潛之境其來自近旋轉合附環邑左右勢傾而南下無以宿水溪行羣山間廣不能三十丈或東而約則纔數尋爾淺灘鳴瀨五日不雨田未病而溪涸矣昔人視其勢而約之以埭導其流以溉田蓋莫推其所自後之私其利者稍增益之凡為大堰百四十有七所其細流為堰者又二百二十有三所山狹窮處溪流不逮亦疏鑿以為塘然而潛之地山居其六七窮谷之民尺寸所必爭無曠土平澤以廣其灌注凡為

塘一十二所而已田事將興勸耕於郊視溪塘之遺跡而申農里之教令故大堰各立長董率共利之人察其決壞而增築之相畝畝之枯潤時其疏濬而均注之先後有次第高下有承接背約則有罰甚則有刑小堰各從民便使自為之或一家得專或衆有私約而不立之長增視其大小如其堰之政總之溉六鄉十二管之田凡四萬九千七百七十畝有奇非溪塘之所及止於此地之傾側山之重岨而不得盡其利也文炳求之邑而考宋中興之斷簡求之野而得開寶之遺書熟究之而事明參覈之而圖具然後隨緩急之宜以次修復民用樂從咸即其舊聯比而籍載之為一論次以存其槩

謹按咸淳志曰潛邑環境皆山非澤國比由天目眉山千秋嶺而發者皆自北而南山由獲柳蘆嶺而

發者皆自西而東由橫塘頂山而發者皆自東而西逶迤曲折至縣南七里始合而下紫溪西與唐山合而下至樂延人合湖之源下至印渚匯於桐江邑中所藉以為命者塘堰是也陳善云余稽舊蹟琰踰七十堰幾四百塘亦數十今所存幾何叅考諸志異同不一茲據萬厯府志採入其舊志所載今已不存槩勿錄

### 元豐塘

在長安鄉宋元豐三年於潛令崔適開為邑人利至今呼之為崔長官塘慶元間令邵文

炳重浚邵文炳重開元豐塘序長安之鄉小嶺之下有塘曰元豐愚民盜塘而田經界既正不可復奪而塘之所存隱然成陸矣咨訪耆老求其故而疏闢之取田戶百二十家之夫以用其力給其食用凡三百有四闢而罷其廣百有四丈其深丈有五尺水由地中翕然泌涌如井之有源混混乎弗



竭也於是別為三渠其東之深與塘底直覆以大石鑿方竇廣八寸許塘水自石竇旋轉而入於渠其西高可五尺餘為第二渠如前之制又高五尺累石為門於二渠之中斷石為板橫亘其下又積石於水門之外醺三流以注之田植板幹以謹其閉縱小旱則啟其中之水門而縱之中旱則開其西大旱則開其東已泄而復閉逾三日則塘復盈宛轉無窮視他塘為最其水自地發非山源之所注老農目之以旋水既從其竇也旁行曲折於三流之分又不止今所灌之田而已夫天造地設待人而成百十有一年之間堙廢者再事之難成而易毀者類如此不及今求以復之則他日又將不可考矣然猶慮其未幾而復壞也乃申以董齊之約擇其里之善事而可長者凡八人歲一更之周而復始疏鑿之以時閉縱之以後先繕補之有備決毀之有防條畫具在使其守而弗失則塘之利

庶乎其無窮也

### 樂平官塘

在長安鄉元豐塘西令邵文炳築治邵文炳重築樂平官

塘序去元豐而西里許地曰樂平畷受延湖之源而屬於大溪最為陡峻舊有官埭溉並溪之田僅千畝與所謂元豐塘者蓋相為表裏也山溜旁衝注埭塤奔洪暴漲壅沙以遏其上流溪源亦激射而埭乃隨壞民力不能致經久之利拱視而莫之救溪涸立待安於旱乾以俸蠲租而已今耆老咨嗟求以新之於是相與講成敗之故得利害之實乃伐石作址累石為高橫絕溪流厚丈有六尺長十有二丈高與溪岸等列木作棧以護其旁使奔流不得蓄射而震撼滿其上則平漫而駛之導渠自埭口南東而下渠之兩旁又釀為輔渠六分注均及由近而遠渠之所屬無不沾溉然決防之患始於蟻穴責之長以謹視歲補而加勤豈惟樂平之田恃此以無憂上下用勸百四十七堰之規相

為不朽則異時為政者之所當念也

### 清漣上塘

去元豐塘五六里令邵文炳復興邵

文炳清漣上塘序渡上濠溪而南為范家塢層山之麓細流所潄曰清漣塘取其淵渟而凝碧也轉而名清漣又止名為漣蓋傳久而失之也塘之深丈餘東狹而西長南北相去畧等周廣九十有一丈累石而四圍之堅高可以衛水山徑奔流亦不得而衝齧也塘之下鑿渠而深之東流為澳又北東而接於樂延樂延之地聚落延袤別為東西村其東專漣塘之利其西又有上塘亦名之以湖漣周廣視清漣塘而有加焉水自地中泉自發越與元豐塘亦畧相似別為二渠其一自塘之東經北而下其一自塘之西循村巷宛轉而北又旋而復西水之所及視東渠為頗遠二塘與元豐塘相望隔五六里許皆日就壅不足為旱乾之備而民亦無有告其上者人情可與樂成而怠於興作固應

爾也今雖以次興復而雨暘時敘歲適登稔竊懼民猶以為徒設而後日之不加修也則終廢而無以獲其利故復申其說以備告之

容塘 徐博家前塘 皂角

塘 祐塘 溫塘 徐太家前塘 浪後塘 墓

後塘 余三家塘 徐五十一家前塘

俱在豐國鄉

景村塘

在縣西三十里波亭前鄉

中門塘

在縣南二十里

清源塘

在縣南五里並在潛川前鄉

東塢塘

在豐國前鄉

寺塢塘

在潛川前

鄉寺塢口

白蟾塢塘

在潛川後鄉上豪坂

赤嶺塘

在潛川後鄉赤嶺脚

青塘

在潛川後鄉青塘嶺

寺塢裏塘

在潛川後鄉樂平坂

七坑

漸水坂塘

在潛川後鄉七坑坂

漸水坂塘

在長安前鄉七坑坂

大

山坂塘

在長安前鄉大山脚

桑午塘

在長安前鄉桑午村

赤山脚

塘

在長安前鄉赤山脚

謹按自元豐塘至清源塘萬厯杭州府志僅載容塘中門塘二塘餘皆不載茲並錄之以備考覈

烏金埭

黃嶺埭

大塢外頭埭

大塢口埭

灑

源埭

何莊埭

溪西埭

觀堰

俱在潛川後鄉

下鼓

橋埭

羅湛灣埭

何干埭

俱在維新前鄉

桃源埭

泥後埭

太陽堰

徐村埭

湖潭埭

錢家埭

方員塍 富王塍 昔口塍 高婆塍 俱在波亭前鄉

南山塍 扶西塍 蘭塍 俱在豐國後鄉 城後塍 在潛

川前鄉自烏金塍至此皆西境之塍 滴水塍 陳干塍 化干

塍 城門塍 俱在維新前鄉 趙家塍 石山塍 龍潭

塍 長干塍 新廟塍 俱在維新後鄉 柴塍 甲子塍

俱在波亭後鄉 觀政塍 浮溪塍 管塍 俱在豐國鄉 青

山塍 在維新前鄉 眉山塍 埂子塍 長橋塍 前

流塍 許村塍 亭子塍 婆羅塍 陪泥塍

坎下捺 溪東捺 鳳亭捺 凌中捺 溪西捺

凌捨捺

俱在維新後鄉

洗馬捺

洪橋捺

昌升捺

西落捺 長林堰

俱在嘉德前鄉

黃沙堰

沈堰

湧堰

俱在嘉德後鄉

泥黃堰

笕箕堰

巫山堰

田

干堰

鶴堰

秋堰

俱在波亭後鄉

陳堰

黃山堰

郭西堰

俱在坊郭

正青捺

浪堰

波眉堰

梅樹

堰 烏勞堰

西坂堰

下盛堰

大河堰

小

河堰

俱在嘉德後鄉

東關堰

在嘉德前鄉自滴水捺至此皆北境之捺堰

沙堰 亭子堰 毆口上堰 化口堰

俱在豐國前鄉

新橋埭 溪西埭 盛湖埭 泥黃埭 趙家埭

盈堰

泥頭埭

俱在豐國後鄉

牛毛埭 胡家堰

高坎堰 曹家堰 楓樹埭 雲塢堰 羅家堰

俱在豐國前鄉

泥塘埭 鳩吉堰 牛欄埭 黃泥埭

烟口埭

俱在潛川前鄉

牛塘埭 輓橋埭

俱在潛川後鄉

孔

堰 浮堰 蔣堰 查堰 上施堰 下施堰

余堰 榮堰 運堰 小堰 上徐家堰 周家



塱 遷堰 烏堰 橋塱塱 郭寄堰 黃山塱

上充塱塱

洪家塱塱

俱在長安前鄉

青山塱

在潛川後

鄉自沙堰至此皆東境之塱堰

新城縣

胡公渠 引新堰水注之堰去城八里水不能達明

天順間郡守胡濟相度命築塔山堰開溪導流以入濠濠內地舊為民產邑人袁樾首捐地十餘畝為倡衆皆效之遂以其地鑿渠引水接通城河凡

五里許負郭田不憂旱者五千畝民德之名胡公  
渠崇禎辛未近城溝濠為居民侵塞令許徵芳勘  
視侵者復之塞者通之水注城隍如故

國朝康熙十年濠淤漸平知縣張瓚重濬

深浦 去縣南二十五里濶二十丈深淺無度潮水  
往來溉田五十頃

官塘

在縣北五里城郭鄉官塘堰水溉田有九 唐  
永淳元年開曰東山澳曰西山澳曰中澳曰朱

家澳曰亭子澳曰丁路澳曰袁都宅澳曰真堰澳  
曰板澳宋慶元間縣令劉景修重濬元至元間令

劉弼重開明洪武二十七年監生楊昶重修嘉靖  
間知縣袁澤加濬因塘塍沁泄乃築石立閘名表  
公閘蓄水  
至今為利  
裏塘在新登鄉  
告山塢塘在折桂鄉  
杜家

塘

在祥禽鄉

百丈官塘

在太平鄉

母子嶺塘

柘州塘

金家塢塘

汪瀨塘

以上四塘俱在太平鄉

中塘

在廣陵鄉

東周塘

一作東洲在七賢鄉

太師塢塘

袁家塘

惠洲塘

葉村塘

以上四塘俱在七賢鄉

長盤塘

在永昌鄉

古溪塘

麻車塘

俱在昌東鄉

高塘

郎家莊塘

俱在

昌定鄉

蓮塘

在縣南一十八里太平鄉洪武二十七年工部差監生楊昶重修

鐵母塘 湯家莊塘

俱在昌西鄉此  
皆南境之塘

東齊堰 白石堰 師姑堰 羅堰 徐塢堰 慕

珠堰 寺堰 萬堰 華堰 廟堰 蔡堰 馬

堰 於堰 凌堰 仙人堰

以上俱在  
南新鄉

石堰

麻基堰 羅堰 長潭堰 萬堰 何堰 古城

堰 施堰 阮堰 潘堰 桐樹嶺堰

以上俱在  
寧善鄉

駱堰 桑堰 槎坑堰 阮堰 施堰 唐湖

堰 溪西堰 青山頭堰 弓家堰 下橫溪堰

潘家山下堰 菖蒲堰 錢畝堰 拓頭堰

天家堰 孫澤堰 十畝堰 以上俱在廣陵鄉 煉溪堰

查村堰

舊名查家堰後圯

國朝康熙八年知縣張瓚重修

火堰 胥口堰 金鷄堰 袁村

堰 金慈堰 塘裏堰 金家堰 橫溪堰 碧

東堰

以上俱在新登鄉

木公堰 蘭堰 施家堰 白

果堰 馬公山下堰 長蘭堰 寺前堰 馬公

塘堰 麻車頭堰 麻車橋堰 以上俱在七賢鄉 牛堰

廢

潘堰 楊家堰 何蘆堰 卸堰 沙堰

丁家堰 赤松堰 陳堰 新堰

以上俱在折桂鄉明洪武二十

七年工部差監生楊昶開築

後凹堰 芝林堰

一作知臨洪武二十七年

開築

上珠堰 曜堰 仙人堰

以上俱在南安鄉

劉公

堰

在縣西五里魚池山下祥禽鄉永樂十年知縣劉秉開築南至紹澤北至官塘五里橋溉田千

餘畝

直堰

在折桂鄉自東奔堰至此皆西境之堰

童家堰 黃現

堰 東洲堰

俱在東洲鄉

天桂堰

在天桂山下七賢鄉明萬厯元年侍

郎方廉捐貲偕得水人戶建築石堰一十四丈有奇灌田數百餘畝

國朝康熙八年知

縣張瓚重修

董公堰 青山堰 高堰 汪家

堰 木倉堰 糖餅堰 周家堰 塘塢堰 何

家堰

以上俱在永昌鄉

國朝康熙十一年知

縣張瓚重修

包奏堰 新堰 俱在縣北八里

杜稜創置疏導而注之城濠歲旱則均之田畝宋  
慶元二年邑令劉景修重修水潦輒壞元至元二

十四年縣尹劉弼視度地宜於是編木累石高塍  
堅壩慮春漲之湍悍洶湧則壅其流而堰不支也

乃隆其兩旁窪其中流以抑其浩蕩之勢慮水溢  
出噴薄久則陷其趾而塍不固也乃聯木為牌置

之下堰以殺其勢堰既成而溝尚壅塞前邑丞張  
世榮嘗開許村一溝縣尹劉公召其鄉老使之依

山鑿渠疏通水道一自堰下流至沙壑邊東流入於許村西流入於杜墓坂一自聞家山下承田內堰至鳳翥橋東流入於周家埭以至吳公埭遂及小莊坂西流入於官塘坂與朱家澳合至白塔坂遂及城下

松溪堰

袁家堰

雙港堰

以上俱在昌東鄉

神仙堰

桐坑堰

俱在昌定鄉

潘家堰

在昌西鄉自董家堰至此

皆東境之堰

塔山堰

即胡衙壩在縣西二里明天順間知府胡濟因附郭田旱勞無

備委醫學訓科方鏞督理築壩鑿溝引水入城濠遠城東西至南門置閘放水由城東官溝抵鷄鳴山入溪民甚利之歲久坍塌每遇夏旱費工累築水不能達且溝至袁家門前有小溪一帶水碓一輪其流徑衝城南背學宮反跳萬厯三年知縣溫朝祚撤去水碓將小溪築塞使葛水歸一環抱學



欽定四庫全書

卷五十三

宮查承受堰水田派銀築壩注水入濠開亦移就學左放水灌溉

國朝雍正七年署巡撫觀風整俗使蔡士壯委新城縣

知縣羅壙修築永昌昌東昌定東洲七賢五鄉衝

壩壩

昌化縣

白獺湖 在縣西南一里橫亘半里許

湖塘

在縣東南五里

雲老大塘

在縣南十里

泥晶波塘

在縣東四

里

赤源西塘

在縣南十五里以上俱洪武二十九年工部差人材李榮等到縣開

挑

朱源塘

在縣西南十五里

梓口塘

在縣東五里

泥浪

塘

在縣東南十五里  
以上俱在東境

前村堰

在縣西七  
十五里

楊舒堰

在縣西七  
十三里

王村堰

在縣

西七十  
九里

自堰

在縣西  
二十里

北郊堰

在縣西  
十八里

巨溪

堰

在縣西  
十七里

高梨堰

在縣西  
十里

白山堰

在縣西  
七里

下阮堰

東堰

俱在縣南  
十五里

雲老堰

林村堰

祝家堰

俱在縣西  
四十八里

飛堰

在縣西五  
十五里

劉家堰

在縣

西八十  
七里

嶺下堰

在縣西三  
十六里

朱旱堰

在縣西六  
十餘里

後溪堰

在縣西八十里自前  
村堰至此皆在西境

山干堰

朱儒

堰

禁頭堰

在縣西十五里

大陳堰

在縣西十五里

葛

干堰

在縣西十三里

南岸堰

在縣西十八里

楊溪堰

在縣

西三十里

頰口堰

在縣西四十里

楊干堰

下茆堰

在縣

西三十里

朱浪堰

在縣西三十里

楊堰

在縣南三十里

石鵬

堰

在縣西十二里

無他堰

在縣西十八里

郡干堰

在縣西三里

十四里

細干堰

在縣西十二里

馬篠堰

在縣南五十八里

獅石堰

在縣西六十里

龍塘堰

在縣西六十里

楊村堰

在縣西四

十九里

高頭堰

洲頭堰

在縣西四十里

老軍堰

在縣西五

十一里

落子堰

在縣西四十五里

雲溪堰

在縣西四十五里

蜃溪堰

在縣西五十八里

峽村堰

在縣南二十八里

官橋堰

金村堰

秀下堰

在縣南二十六里

伽溪堰

在縣南十五里

河清堰

在縣南二十里

塘溪堰

一作塘堰在縣南四十二里

杜

堰

在縣南四十五里

楊溪堰

良和堰

在縣南三十二里

角

堰

在縣南三十五里

住堰

在縣南三十三里

潘干堰

一作潘堰在縣

南三十六里

石堰

一作石壁堰在縣南二十二里

石岸堰

在縣南二十里

沈堰

在縣南四十三里

廟堰

湍源小堰

俱在縣南四十六里

洪嶺堰

在縣南四十里

余村堰

在縣南四十里

陳堰

在縣

南三十

黃堰

自山干堰至此皆南境之堰

六畝堰

在縣西七十八

里

鄧茶堰

在縣西八十五里

竹領堰

一作竹山堰在縣西九十里

奧村堰

在縣西三十里

瀟溪堰

在縣東八里

梓口堰

在縣東五里自六畝堰而下至此皆在北境

石湖潭堰

在縣西八里

岸

堰

在縣西六十二里

石壁灣堰


在縣西五里

附戴經邦纂修水利記環昌之塘四本來無源因旱澇為盈涸苟深濬而固其隄則旱不竭而澇不溢殊稱便易第灌田無幾耳若堰則利溥而功百倍焉如溪之西北諸堰自鄧茶竹山獅石而下灌

田三萬餘畝東南諸堰則洪嶺潘干瀟溪石壁等處所灌亦以萬計民生國賦蓋其重哉茲荷撫院軫念移文郡縣令毗庶修築工成撰誌直欲興全浙之長利也第昌之堰勢有二在山澗者長不過十數丈令堰長督同人戶鑿石堅砌使通溝洫不時補塞卮漏則成工易在大川深溪者延袤百餘丈方累石扞泄一遇山濤四出奔流衝激則飄石如蕩芥復夷而為灘為沙礫矣且平時商船往來每每折損隄築妨農事尤甚為民生慮者當令有田之家計畝出銀幾許堰長一一書簿募工為石堰高若干尺長若干丈堅固若城塹則端悍無虞也不則於近堰之所共置山一段畜篠備築屆春夏令貨船便帶土石以助修砌則不惟農工商賈兩利俱存且使隄不闕剪而上田揚塵下田龜拆之患可免矣戴弁條列水利文粵稽昌之水勢皆自西來水源因之大要則南條北條然又各有支

流總名則曰溪周禮謂兩山之間有川焉是也姑以其大者言之其西北有六一發源於昱嶺東過頰口又東為巨溪又東匯為灣水潭南會於河橋一發源於巖箕田經同山會於頰口一自寧國縣界經百丈麓入巨溪一自千頃山至箕山而入晚溪一自七里洞出塌水橋而俱入晚溪一發源於黃花關逆流出長春橋而入於灣水潭其東南有五發源於大明山東過龍鬚橋石鏡山會於河橋一過銅坑分為沈溪出章村而入於大溪一過銅坑分為貢源以入於大溪一過銅坑分為良溪而入於大溪二條之間雖南北分播不齊皆合流過小柳大柳經分水會桐江而入錢塘然由西而東形勢浸下利於田則作堰六十有五別作溝澮以引之即周禮所謂以防止水以遂均水其間有官立之長者有私舉為首者皆所以率工修築然田之近溪者旱則上流可壅滯則下流可洩頗為

民利乃若不成溪流者則旱澇無可恃昔人嘗因  
澤為塘者三皆屬於官一在朱源一在泥晶一在  
雲老各立長以遞領之此之  
謂以蓄蓄水亦周禮遺意也





浙江通志卷五十三

欽定四庫全書

史部

浙江通志卷五十六

四至

詳校官給事中臣戴璐

檢討臣德生覆勘

總校官編修臣倉聖脉

校對官典簿臣劉景岳

謄錄舉人臣陳賓

欽定四庫全書

浙江通志卷五十四

水利三

嘉興府

嘉興秀水  
二縣附郭

城內河自西門入者由大悲橋至韭溪橋自南門入者至市中心二水交會而分流出東北兩門嘉興府圖記明永樂乙酉左通政趙居仁奉詔治水嘗疏之成化初故道塞而屋廬其上嘉靖二十六年秋

知府趙瀛悉加浚復嘉興縣志崇禎間知府鄭瑄  
復加疏浚流通民間利賴

國朝康熙二十四年知府劉理知縣何鉉任之鼎捐俸  
首倡紳士協力城內河道填塞數十年者盡行浚  
復三十九年知府佟賦偉又復開濬六十年夏知  
府吳永芳以城內正河淤淺鳩工大濬并支流小  
港以次疏通時居民跨河造房悉令除去郡城四  
門外各有備警河日漸湮塞循故道疏濬悉皆復舊

嘉興縣

城外河道

海鹽塘河

在縣南五里自漈湖南通海鹽縣

嘉善塘河

在縣東由白蓮寺而東三十五里至嘉

善

平湖塘河

在縣東南直達平湖

謹按嘉禾一郡地勢平衍故鮮堰壩惟海鹽地形稍高水之所注西北流百餘里而至嘉興合秀水西境運河之水匯於鴛鴦湖分為二流一由南堰橋厯鰻鯉堰橋至角里街一由放生橋迤東厯牙前橋至角里街東流十餘里會於白蓮寺前又分二派一派東北流三十餘里至嘉善注於松江一

派東流五十餘里至平湖而入於泖其間支分派別參錯鄉間為港為浜為不可勝計農民車戽灌田雖至大旱浜港皆竭而三河之水未嘗乾涸是萬頃膏腴無不賴三河以為命也然嘉邑較秀水又覺稍高故旱多潦少宜疏濬支河浜港時築圩岸則旱潦有備而歲常豐稔矣

**橫塘**

一名海鹽塘在縣南五里自嘉興南堰橋起東南直抵海鹽縣西門外天寧寺前綿亘百里

**漢塘**

在縣東十里又名新豐塘即平湖塘也

**魏塘**

在縣東十里達嘉善即嘉善塘

也

**華亭塘**

在縣東一十五里通松江華亭縣

**伍子塘**

在縣東二十五

里接胥山

**長水塘**

在縣南六里通硤石市

**練浦塘**

在縣南二十五里東

西通橫塘長水塘又名練塘

**麒麟塘**

在縣東南十九里通漢塘

鄭公隄

在會龍寺兩腋明崇禎間知府鄭瑄築歲久漸圯

國朝

康熙六十年邑紳高孝本白於郡守率衆重築兩腋長隄以遏嘉善平湖之去水

白苧堰

在縣東南三里

盛家堰

在新行鎮北

馬塘堰

在縣南七里

謹按馬塘堰久廢近人惟呼海鹽塘上馬塘廟前為馬塘涇云

秀水縣

城外河道

運河 在縣西南通石門縣北接吳江界

運河自杭州北新關

而來會上塘長安壩之水從石門縣西北流二百餘里至西門外三塔灣折而北歷王江涇至平望六十里許入吳江界其間支河無算難以枚舉要皆縱橫阡陌之間以為灌溉之利至元嘉

志隋大業六年勅開江南河自京口至餘杭八  
百里面濶一十餘丈嘉興府圖記唐廣德中屯田  
使朱自勉濬畝距溝濬溝距川後刺史于頔繕隄  
防疏鑿畝澮列樹表道宋史河渠志元符三年二  
月詔蘇湖秀州凡開治運河港浦溝瀆修疊隄岸  
開置斗門水堰等許役開江兵卒嘉興府圖記明  
永樂間通政趙居仁濬河秀水縣志明萬厯二十  
年水利薛夢雷檄縣令李培起斗門至王江涇界



集附近居民疏濬

國朝康熙四十六年奉

旨發帑疏濬支河港蕩巡撫王然題明動帑委嘉興府知府臧憲祖開濬淤淺處西麗橋八十五丈北麗橋九十五丈端平橋八十五丈濬深俱五尺廣皆五丈有奇又濬各鄉諸港於是蓄水溉田舟楫往來農商皆慶

駕鵞湖 在縣南三里計百有二十頃其利實瀦水

以資灌溉東西連湖故謂之駕鵞又名南湖

運河塘

石塘起杉青閘北迄聞川袤二十七里土塘起西水驛西迄語兒褒九十里唐元和五年

王仲舒治蘇隄松江為路即今石塘明永樂初命戶部尚書夏原吉往浙江諸郡治水九年修蘇州至嘉興土石塘橋路七十餘里泄水口一百三十一處其後通政趙居仁自崇德北抵吳江植榆固隄巡撫周忱築運隄泖橋通道弘治八年左參政周季麟修嘉興舊隄易之以石三十餘里嘉靖二十六年知府趙瀛修運河土石塘萬厯十五年露雨岸圯窪田盡淪二十一年知縣李培議富民出資貧民出力履畝起夫堵築四十一年知府吳國仕勘議郡城自杉青閘直抵王江涇一帶官塘舊係土石各半歲久傾圯具文中申請盡從石甃陳鑑典重築運河石塘記我郡地界吳越浙藩之門戶也

北接蘇之吳江西接杭驛路幾二百里而遠號稱  
孔道蓋自國家建都北平水程由通路而達潞河  
者自江漢外惟是武林溯江淮涉黃河之一脈而  
我郡實為發端江浙閩粵楚蜀滇黔緯挽無不由  
茲而漕艘尤為緊要則運河之重可知矣重運道  
不得不重運塘舊土石塘歲久漸圯加以淫潦時  
作往往崩壞郡守吳公來蒞我郡慨然以築塘為  
已任請於中丞水大夫聚財鳩工始於壬子七月  
迄於十月告竣如砥如帶見者以為百年之功成  
於閱月相與歌咏之運塘跨省直歷三邑秀水北  
塘一千四百八十八丈五尺西塘九百五十一丈  
六尺桐鄉塘二百一十五丈四尺洩水洞五座崇  
德塘三百六十一丈二尺三縣共計修築三千二  
百七丈七尺公名國仕休寧人嗣後歲修不常  
國朝康熙十二年水溢塘圯知縣李見龍躬督修築帑  
閩隄岸康熙六十年知府吳永芳捐貲興工復募

諸有力者南塘加石培土令益高厚北塘自城至王江涇三十里於舊塘外增築石岸雍正五年奉旨發帑開濬河道修理城垣隄岸巡撫臣李衛委員動帑二千一百有奇修築西北二路隄岸窪者崇之缺者補之行

新城塘

在縣西北七里通新城鎮

蘆漚塘

在縣

西北六里

杉青堰

一名杉青閘在縣北四里宋熙寧元年十月詔秀之杉青堰監護使臣以管幹河塘繫銜

常同所屬令佐巡視修固以時啓閉

東瓜湖堰

在縣北三里

六里堰

在縣東

學秀堰

在縣西南九里

謹按秀水水利大畧與嘉興相似故境內亦少堰壩以上諸堰俱至元志所載今皆不存而土人猶

以堰名  
其地云

嘉善縣

嘉善塘河 自郡城東三十餘里抵於縣治又東入

於泖

便民河 明弘治間濬築嘉興府圖記知嘉善縣劉

克及郎中傅潮修圍岸創果字等圩鑿便民河二

萬七千尺溉田萬餘畝

錢福開便民河記嘉興浙  
西大府其屬縣嘉善最為

膏腴平壤弘治十二年新喻傳公曰會以正郎膺  
特簡來守視地圖所廢興而乘之者勿力公竊慨

馬又一年安福劉君安溫以進士來令公遂謀之  
劉君及丞朱君暕乃厯遍原隰相視便宜於是因  
舊而修為圉岸以丈計者三十六萬二千有奇為  
驛路官塘以丈計者六千五百有奇初始而築作  
者果字圩岸塍以丈計者三千六百有奇凡護田  
若干畝此其為防之功也開創便民河者十以丈  
計者凡二千三百有奇淺濬艱阻疏而通之為市  
河者三以丈計者一千四百有奇掘淤鑿塞為支  
涇曲港者八以丈計者八百九十有奇瀦洩灌溉  
以利田者若干畝其便往來者不可勝計此其為  
浚之功也或修或創為橋梁者十經  
始於弘治庚申訖工於辛酉十月朔

嘉善丞倪璣

築思賢奉賢下保諸圩瀦陂湖開溝洫

邵銳濬河  
築圩記浙

以西稱健吏曰倪嘉善始至問百姓疾苦首曰水利乃躬出按視縣治以南地勢高亢不有所蓄吾

民其病旱乎迄北水所輸委不有所洩吾民其病  
澇乎於是計地程工計工程力計力程費名厥父  
老指授方畧大都以澇為尤急也首濬於河及所  
支曲俾罔壅滯自思賢鄉至奉賢鄉二十八所以  
丈計者三千八百六十有奇又築圩岸益卑削為  
高堅自三十三都至四十都三百八十二所以丈  
計者一萬五千二百若圩之尤下者仍築圩岸其  
中俾有分守自下保東區至奉九北區亦一十五  
所以丈計者六千四百九十高亢之地並加疏開  
又濬為陂塘散為溝洫具有脈絡自永七都至胥  
五都總二十九所又總計為三百五十丈肇自正  
德十年十一月至十一年十二月厥工告成使瘠  
鹵化為膏腴居者戴寧逋者胥復而歌頌於是乎  
作矣侯名璣陝西咸寧人倪璣水利議略按水利  
之說周禹論之頗詳高鄉溝洫為急而圩岸次之  
低鄉圩岸為急而溝洫次之斯則審密之論嘉善

自縣治以南皆高亢乏水連月不雨則苗向槁雖遇有年其收亦薄非地力有異田素渴水而瘠民積貧無以糞其田故也必令土人多濬溝洫蓄水待灌溝中之土令下鄉人遇圩岸埤損時往載增築則土有所歸而高下漸趨於平旱潦皆利矣否則胥山等區不久當鞠為茂草豈獨洪波巨浸能使民墊溺哉

國朝康熙四十六年知縣李夢昌奉

旨動帑開濬渡船頭淤淺處一百八十丈并濬支河諸

港

許巷蕩 嘉靖浙江通志在縣西北三十六里波流



澄澈旁多良田資其灌溉

伍子塘

在縣西半里  
南接胥山

大雲塘

在縣南二十里  
南通大雲寺

白

水塘

在縣南一  
十二里

甃竈塘

在縣西北  
二十六里

章練塘

在縣

北二十  
六里

蘆墟塘

在縣西三  
十六里

華亭塘

今稱上官  
塘見嘉興

冬瓜湖塘

今稱  
下塘

江涇塘

在縣西北  
十餘里

馬塔塘

在縣西北  
十五里

烏涇塘

在縣北  
十里

千步塘

在縣西  
二十里

長春塘

在縣西  
三里

石井塘

俗呼三店塘  
在縣西九里

陸斜塘

在縣西  
北五里

雙葑塘

永八  
中區

湖塍塘

永八中連永八  
北奉九北區

松陽塘

在縣東北入平湖華亭界

風涇塘

以上皆奉四南區

白牛

塘

在縣東二十里

張涇塘

定光塘

馬匯塘

以上皆奉四中

區

舊廟塘

晉五區

海鹽縣

海鹽塘河

在縣西南自天寧寺達嘉興府城弘治

嘉興府志宋淳熙九年守臣趙善悉重濬

招寶塘河

在縣西南三十五里至元嘉禾志宋淳

化三年開淳熙九年守臣趙善悉重濬

烏坵塘河 在縣西三里至元嘉禾志宋淳熙九年  
守臣趙善悉重濬

陶涇塘河 在縣北一里至平湖一十二里至元嘉  
禾志宋淳熙九年守臣趙善悉重濬弘治嘉興府  
志明成化六年參政何宜弘治元年僉事伍性知  
縣譚秀先後重濬

白洋河 在縣東沿海塘下南自澈浦北抵乍浦長  
七十里海鹽縣圖經明萬厯五年巡撫徐杕築塘

海上因有白洋河及澈浦上河之役白洋河北至  
閱武塲而南屬之常川鋪長三十里初鑿時以運  
塘石而海上荒土得灌為良田者萬餘畝上河起  
自常川鋪西南屬之澈浦城下二十里地形稍高  
於白洋河築為土壩以捺之所灌田視白洋河加

倍

徐枋請開白洋河疏海鹽縣秦駐山南至澈浦  
所原有河一帶在土塘之內舊連縣治商旅輻

輳田畝歲收稱為沃土近皆淤塞坍塌舟楫不通  
赤地徧野原設澈浦稅課局因而裁廢旱乾無備  
糧運艱苦乙亥海溢之變澈浦軍民被災尤甚以  
石塘一帶外無擁護內無分洩故也臣時營度海

塘親履其地見田廬荒廢目擊流離通塘工告竣  
若將此河因其舊蹟再為開通即以濬河之土築  
塘則所至該縣內河上塘一體高厚深廣聯結鞏  
固縱有異潮之來不能衝突而田疇得灌溉之資  
一水相通糧運直達貽惠軍民實為無窮矣吳徐  
開濬白洋北河議本縣與海寧衛同一城池南四  
十里有敢浦所設立鮑郎鹽場北四十里有乍浦  
所設立海砂鹽場衙門俱在海濱脈絡共相聯貫  
所恃通行其間使防汛無虞鹽貨不阻者專藉沿  
海舊有白洋河一帶為之來往也祇因陵谷屢更  
以致涓流盡斷地方受病非止一端幸於萬厯初  
撫院徐修築海塘奏准水利道駐劄海鹽深燭利  
病將南路至敢浦鹽司四十里地開濬白洋上下  
河一帶南行水路盡得流通其北路白洋河正擬  
興工值水利道陞任而止愚謂前開南路河道種  
種利便備載海塘錄中若今北路之河為便亦可

枝舉土塘捍海在北最低每當潮溢之時鹽場窻  
蕩民田盡被其衝所損不少若開河取土築塘令  
之高厚內河可以分洩其流外塘可以捍禦其患  
縱有非常民不受害此為一便乍浦所至海寧衛  
城俱是陸路不但彼此糧餉器械搬運為難抑且  
官兵分番調守往來不便今開此河則船隻通行  
聲息易達以之守望防汛更為得策此為二便海  
砂場司正處河之中途兩頭鹽運頗費搬移河開  
則舟載不難涇河遞相灌注腳價既省商賈因而  
樂趨不藉招徠鹽課自益此為三便土塘外為鹽  
場內即蕩窻今開河築塘攔阻潮頭則塘外零星  
灰埂盡可曲引鹹流開塍漉鹵塘內荒蕪草蕩亦  
得蓄積淡水壅作田疇四十里之內所增鹽課又  
不知幾何此為四便先此取浦河道未通之時民  
病疔腫士鮮文學自開河後不但民無疾病亦且  
科第聯綿今乍浦一城何止萬家若得開濬河道

將見人文日盛此為五便邑之商窳軍民  
望此舉已久在大有為者立斷而行之耳

國朝雍正五年巡撫臣李衛動帑一千兩有奇委員重

濬

永安湖 在縣南四十五里敝浦鎮西六里周圍一

十二里深一丈五尺中有長隄分為二湖灌田甚

美租亦倍入至元嘉禾志此本是田後濬為湖瀦

水以資灌溉置閘蓄洩雨久瀰漫則東入於海海

鹽縣圖經莫詳陂築所自元時為豪有力者決壞

民以失業寓公安撫使王濟始奏復之

張千五結  
勘永安湖

狀德政鄉十三都畝墅石帆村社長張千五等照  
勘得本里古有永安湖三千七百畝積諸山之水  
灌溉潏浦潏墅石帆三村官民田八千三百餘畝  
此湖原係民田為湖其稅均於湖側田上輸納就  
湖東際石砌斗門木板為閘以時啟閉每遇天旱  
開閘放水下流灌救田苗或天雨連綿湖水漲溢  
却有東南葛母山下古置渾水閘放洩入海是以  
三村農田歲無水旱之憂至元十三年歸附初鎮  
守管軍官王招討將永安河西南際湖面築捺園  
裏成田三百八十畝納官糧三十八石於後至元  
二十六年招討男王四萬戶將上項湖田過佃名  
業却於湖田南際掘開海塘初造石閘連年每遇  
春水汎漲之時將湖水資夜放洩入海及至夏旱  
又被管佃戶壩塞致有三年兩旱田禾不收若蒙



官司將上項湖田仍舊開掘為湖積水灌田實為  
民便元大德十六年六月初一日結趙若源重開  
永安湖碑記海鹽州南四十五里有湖曰永安周  
圍十二里渚水灌溉畝塹澆浦石帆三村農田泰  
則東南注入於海旱則水渾仰給於湖遂變斥鹵  
為膏腴至元丁丑王招討國湖成田是以三村屢  
經旱患安撫王君濟勇於為義聞之朝廷由是省  
臺委官公同蒞政目擊斯害大德乙巳秋七月浙  
江行省平章政事徹爾榮祿廉明公正遽令疏濬  
為湖開除元立佃米一改而正之於是斯湖得以  
復舊茲刻於石庶來者  
知斯湖源流有自云爾

弘治嘉興府志明正統十

### 年縣丞龔潮請旨重濬

謹按國經云永安湖有開四座南湖開一北湖開  
一轉水開二明成化間通判張岫建民受其利

古涇三百一所 在縣西境唐書地理志長慶中令  
李諤開以禦水旱海鹽縣圖經廣可通舟即今麻  
涇簡涇之屬諸涇之水並入官塘

周墩堰 孟家堰 張泥堰 新朱堰 錢涇堰

周大堰 計家堰 徐涇堰 落匯堰 朱莊堰

以上俱在  
開濟鄉 白塔堰 宋涇堰 陳浦堰 丁浦

堰 于涇堰 錢家堰 陶涇堰 孔家堰 以上  
俱在

永寧鄉 大王堰 板層堰 黃泥堰 小華家堰

西吳市堰 東吳市堰 鐵城堰 徐涇堰

董涇堰 嵩峰堰 談家堰 棠成堰

以上俱在長水鄉

孫家堰 沈家堰 六里堰 北橫涇堰 彭

村湖堰 八楞港堰 馬家堰 勝家廟堰 倪

家堰 龐家堰 楊家堰 衛家堰 三里堰

湯馮堰

以上俱在德政鄉宋嘉祐元年縣令李維幾置鄉底堰三十餘所後亦漸廢淳熙九

年守臣趙善悉興修水利

增築鄉底堰八十一所

謹按海鹽古堰圖經所載有一百四所云自析平湖後本縣所存止四十有二後亦漸廢弘治海鹽

縣志不載長水鄉談家常成二堰其武原諸鄉之堰六十所隸平湖者詳見平湖志不具載

### 常豐閘

在縣北四十里宋嘉祐元年縣令李維幾植木為閘元祐四年何執中為令易以石淳熙

十五年縣令李直養蓋閘屋易閘板自是農被閘之利頻歲得稔後以舟楫通行不便牘竟廢今俗呼其地為橫塘牘是也

謹按海鹽據禾城之上游環山濱海水無停滯惟藉官塘一帶以灌十鄉之田每十日不雨車戽一動則其水立涸農田龜坼是以堰閘之設較他邑尤為急務古人多置堰閘以阻遏水勢每歲二月築塞九月始開誠善政也後人以舟楫阻滯毀諸堰閘以快目前之便不知水無所蓄一遇亢旱動輒告災此由堰閘之廢弛故耳茲詳考圖經備列於右以裨後之考證云

石門縣

運河 自縣西南二十里入界北流二十里至石門  
鎮又東過桐鄉運河達秀水縣正德崇德志隋大  
業六年詔開至吳越錢氏募卒通河撩淺宋紹定  
間縣令樓演濬縣前河東達運河西至陸家灣明  
景泰八年縣令郁綸濬運河自石門至大漠率衆  
民繩其直度其闊濬深四十里許以為民利明成  
化二年分守參政何宜委官疏濬河涇修築圩岸

石門縣志嘉靖中築城亘運河東於城外別開一

河以通漕運三十九年縣令劉宗武大濬城河萬

厯元年縣令蔡貴易濬運河自彭河橋至羔羊凡

二十里

孫植濬運河記崇德邑治嘉郡之西為吳越閩廣孔道貢賦漕輓輜使四出邑之漕

渠歲久不治自松老橋至六里橋水道淤涸漕舟告阻於是督驍馬公下之泉僉郡守檄水利郡判陸君會邑令蔡君躬厯周視計地程工為丈者二千六百三十計工程力計力程費擇委邑主簿高橋典史雷楫桐鄉主簿黃觀民典史馬驥畫地分工經始於癸酉八月至十月凡六逾旬而畢向有包角堰故址茲量為節宣勒石樹之以固風氣其於人文亦有裨云

十七年郡判方

圮董治運河三十八年縣令靳一派以城河湮淺  
稍旱輒涸大加濬治石門灣縈回如帶日久漸壅  
豪右踞之申詳濬聞仍築羅星臺以固風氣明年  
又開各區浜河

國朝康熙六年知縣劉引楷偕縣丞季芷大濬運河自  
松老橋至王溪鎮約三十六里計六千一百七十  
丈田畝賴以沃灌四十六年奉

旨發帑開濬支河港蕩時嘉興府知府臧憲祖重濬自

金堂廟至王溪鎮六千四百八十丈并濬西塘諸  
涇各區浜河

天長河 在縣東二十五里千乘鄉正德崇德志千  
乘鄉向因旱澇無所蓄洩名為積荒田稅累一縣  
賠納正德十一年縣令洪異躬督萬夫財力兼濟  
開為十字河三日而就通沙水等涇東西七八里  
南北五六里廣五丈餘總若干圍計田可灌漑者  
四千餘畝民感其惠又稱洪河



運河塘

在縣東宋熙豐間崇德長官主管運河隄岸明永樂三年左通政趙居仁督民修築塘岸

上種榆柳固之宣德五年巡撫周忱命築塘岸通漕運嘉靖二十六年知府趙瀛築語兒鄉土塘

國朝順治十三年巡按王元曦委推官尹從王重修雍正六年總督臣李衛委員動帑修築玉溪鎮至大

麻一帶塘岸

包角堰

在縣南一里明萬厯間縣令蔡貴易復建

石門堰

在縣北十八里

羔

羊堰

在縣北九里

平湖縣

平湖塘河

西受駕滌諸湖南受陶涇塘水東經縣

治又東三百步入當湖

鹽運河 在海塘內長十二里天啟平湖縣志嘉靖

己酉巡鹽御史董威修復

陸杰開鹽運河記平湖東去海塘僅五十里塘

以外斥鹵內則為蕩荒茅無際業惟煮海在漢已然宋置椎塢於廣陳及本朝移置於蘆漚故有鹽運河十二里瀕河之蕩漸治為田河日以淤商農屢乞疏導卒莫肯任者郡守趙公瀛議舉而未就嘉靖戊申冬巡鹽監察御史近淮董公行部嘉禾會有商言河淤狀公亟命郡倅陳君守義縣令李君僑相度修復期以責成於是程工計費秉心仰贊集丁夫一千三百五十人官為給餉郭丞亨出舍其間而日省之東自蘆漚西屆廣陳計里分工以次興舉廣三丈有奇深六尺有奇東西所訖加

闢為灣周可五十丈便旋舟也河壩積土亦盡速徙防傾圯也肇仲春畢孟夏夫以工計者三萬九千三百五十費出監察公贖金守倅令咸以粟繼秋毫不擾於民厥惟善矣趙守立石俞塘橋左屬

余紀

其畧

國朝康熙六十一年知縣林緒光捐俸重濬

新開河 在運鹽河東自新倉閘橋起至舊衙計十

二里天啓平湖縣志嘉靖中知縣顧廷對濬河以

便灌溉又名顧公河

國朝康熙六十一年知縣林緒光重濬

秦河 在縣東三十里新耕之蕩藉以灌溉

國朝康熙十七年里民秦九一倡議開鑿請於縣府委  
蘆漚場鹽大使周成勲董其役開河十里自新倉  
鎮以北至新廟橋荒蕩皆得栽禾後復稍淤二十  
二年春分守道王永祚檄行各屬疏通河道九一  
復呈縣委白沙巡檢姜一科及乍浦巡檢黃玠督  
同開濬闊五尺深數尺里人名曰秦河

當湖 在縣東三百步舊志云周四十餘里今不及

## 二十里矣

謹按富湖水自郡城海鹽而來至此為一渟蓄東南通故邑西南近海鹽東連廣陳南接乍浦抵於獨山歸於華亭舟楫便利灌田實多故嘉郡七邑平湖為沃壤之最也

### 漢塘

在縣西二里詳見嘉興明嘉靖四十年馮汝弼修築五十餘里馮汝弼漢塘記事余行自漢塘

至郡城忽風雨大作兩涯斷岸泥濘僕夫牽挽及行道徒涉顛頓入水前後相繼飄泊有至不起者予不忍見也歸辨竹木碑石沿隄修築五十餘里不終歲而竊取圯壞者居多自是十餘年來時圯時葺即今萬厯初元予年七十六矣自念去日苦多恐不能為久長計於是蓄料鳩工修建石梁木梁三十二座修築石堰土堰一十五處予自歸田以來上愧國恩下慚民隱見聞所及不容自己為

欽定四庫全書

浙江通志  
卷五十四

十八

吾子若孫者稍有餘力當世世葺之若其未備則不能無望於吾邑同志君子云

獨山

塘

在縣東一十五里

乍浦塘

在縣東南二十五里直接當湖之水以上二塘皆

國朝

康熙六十一年知縣林緒光重修

官庄塘

在縣北一十五里

方塘

在縣

北二十四里

橫浦塘

在縣東二十里

柳莊塘

在縣東南一十二里

沈塘

在縣東一十里

余塘

在縣東二十里廣陳鎮

吳祺塘

在縣北至

錢家帶七里

南涇塘

在縣南至轉塘十里師姑橋十八里海鹽縣五十四里

馬廐堰

十八里堰

白馬堰

李家堰

孫堰

馬駝堰

孫三堰

以上俱在武原鄉

曹婆堰

王道堰

紀家堰 清水墓堰 方家堰 鰲堰 陳家

堰 瓦石堰 金賣線堰 周家堰 俞家潭堰

黃泥堰 楊李堰 土山堰 小山涇堰 鍾

磬堰 湖口堰 代峰堰 李塔堰 沈墓堰

東裴塔堰 西裴塔堰 邱沈堰 馬塚堰 東

閘堰 墓蜂堰 以上俱在齊景鄉 顧施東柵堰 顧施

北柵堰 桃星堰 沈福莊堰 新帶堰 方塘

堰 朱洞堰 羅漢堰 西閘堰 祇園堰 俞

家堰 大芒塘堰 余家堰 夏角堰 麥塔堰

西黃泥堰 楊蕩堰 翁莊堰 志公堰 大

孫堰

以上俱在華亭鄉

沈馳堰

許洞堰

馮奧堰

錢家堰

月河堰

戴堰

馮河堰

以上俱在大易鄉

桐鄉縣

運河 在縣治北九里

詳見秀水石門

國朝康熙六十一年知縣陳大慶捐俸士民樂輸開濬

諸涇及各區浜河



車溪 在縣治北十里自阜林堰抵青鎮南北二十

里兩岸腴田車戽不絕

運河塘

一作阜林塘元卜濮二姓富饒官令甃砌明時責於塘長

國朝

雍正五年巡撫臣李衛勅帑五百兩有奇修築正家橋起至玉溪鎮一帶塘岸

西官塘

自縣西北距阜林鎮九里明成化十六年分守參議梁鏞今有司覓以磚石正德間復加修理

東塘

在康涇東匯之上自縣治抵阜林南北九里明天順間涇口多架木以通往來萬厯時改

為石

車溪塘

長一十八里

車口堰

永新堰

俱在運河塘右

謹按桐鄉之水利與秀水石門相等惟賴運河之  
水流入以引灌田畝清風永新保寧等鄉其患在  
潞宜高築圩岸以防浸溢梧桐募化千金等鄉其  
患在曠宜時疏浜溼以資車戽四境之內水皆平  
行故無賴於堰壩所當  
急者惟濬河築塘而已

浙江通志卷五十四